

شکری در سعادت ایچون مجیدی
بکری فروش حسابله التمش
فروشدر

طفره ایچون بوسته اجرتی اوله رق
اون بش فروش ضم اولنور

نسخه سی ۴۰ پاره در

تذکره محاکمه علییه

آبونه اولمق ایستینلر دائره عدلیه ده
اداره مخصوصه سنه مراجعت
ایملیدر

اعلاناک بهرندن بر مجیدی اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

وظیفه مأموریتنی ایفاده مساعی مدوحه سی
مشاهد اولان در سعادت برنجی محکمه تجارت
اعضاسندن عزتلو و یجن افندی به ترفیعاً رتبه ثانیه
صنف متمیزی توجیه بیورلمشدر.

تجییز و تحویل

ایلبصان سنجانی بدایت محکمه سی اعضالغنه
پرشته قضاسی بدایت محکمه سی مدعی عمومی معاونی
ضیاء الدین افندی تعیین اولنمشدر.

تبلیغات

عدلیه نظارت ملیده سنه دلابات شاهانه استیناف
مدعی عمومی بطریقه نظیر قلمانه تحریرات عمومی
صورتیدر:

حواله نامه نظامنامه سنه عائد اوله رق تعدیلاً قلمه
آنان ایضا خانامه نك بشنجی ماده سی موجبجه بعدازین
دوائر رسمیه و محاکم عدلیه ناملرینه تنظیم وارسال
قلنه جق حواله نامه لر محتویاتنك سبب وجهت ارساللریله
اولبالیده کی تحریرات رسمیه نومرولرینك حواله نامه
ظهرنده لدی الحاجه مرسلک مرسل الیه واقع
اوله جق اشعاراتنه مخصوص محله تحریر و تصریحی
حواله نامه لرک طول مدت بوسته خانه لرده قلمسی
محذورینی رفع وازاله یه کافی اوله جغندن بحث ایله
اولوجهله اجرای ایجابی بوسته و تلغراف نظارت
بهیه سندن باتذکره اشعار اوله رق صورت مشروحه
وجهله ایفای معامله یه مابرتله برابر بوسته خانه لر
تسلیم اولنان مبالغه مقابل بوسته خانه لردن اخذ اولنه
کلان تودیع علم و خبرلری صورت مصدقه لرینك ده
ارسالیه پوصله لرینه مربوطاً ارسالی لزومی محاسبه دن

افاده و لازم کلنلره تبایغ ایدلمک اوزره اشبوتحریراتک
نسخ مطبوعه کافیه سی لفا فرستاده قلنمشدر.

محاکمه و مقدمات

محکمه تمیز حقوق دائره سندن تنظیم واعطا
اولنان اعلامدر:

ادلبك شرقیه محله سی اهالی سندن عبدالرزاق ایله
مدعی علیه غریبه محله سنه مقیم حاجی محمد رشید
افندی میانه لرنده متحدث دعویاه دائر ادلب قضاسی
بدایت محکمه سندن ۱۳۰۷ حزیران سنه ۱۳۰۷ تاریخی
واونبر عددی ایله ویریلان اعلام مستدعی تمیز
عبدالرزاق افدینك لایحه اعتراضیه سی ایله بالمطالعه
تدقیقات تمیزی به اجرا سنه ابتدار قلندی.

اعلام مذکورک خلاصه مالی مومی الیه حاجی رشید
افدینك مزبور عبدالرزاق ذمتنده جهت کفالتدن
غیر از تسلیم آله جنی اولان اون یدی بچق عدد عثمانلی
لیراسنك تحصیلنی طلب و دعوی وبرقطعه سند ابراز
واعطا ایتسی و مدعی علیه مرقوم عبدالرزاقک یوم
معینده دعوت واقعه یه اجابت ایتامسی اوزرینه تعیین
قلنان وکیل مسخر حضور یله اجرا قلنان محاکمه ده
وکیل مرقوم سنده محرر دینی انکار ایتسی اوزرینه
استماع شهود اولنه جنی صره ده تجاردن محمد شریف
نام کیمسه مدیون اصیل کندوسی بولندینی بیانیله
شخص ثالث صفتیله داخل دعوی اولندقدن صکره
جریان ایدن محاکمه ده شخص ثالث مرقوم کندوسیله
مدعی مومی الیه بیننده منعقد شرکتک فسخندن صکره
خارجده قالان دیون ایچون مبرز سند مومی الیه رشید
افندی به ویرلمش اولوب آنجق خارجده قالان دیونك
حواله سی صحیح اولمدینی جهته مدعی مومی الیهک ادعا
سنك ردینی انبایتمش ایسه ده مدعی مومی الیهک اثبات
مدعا ضمنتده اقامه ایلدیکی شاهدلرک استماعیله جریان
ایدن محاکمه و تدقیقات نتیجه سنه مبلغ مدعا به

عبدالرزاق کفالتیله محمد شریفک دینی اولدینی اقراری
ولدی التزکیه مقبول الشهاده اولان شاهدلرک شهادتی ایله
ثابت و مرقوم محمد شریفک اقرارنده کاذب اولدینی
مومی الیه حاجی رشید افدینك اجرا قلنان تحلیفیه
متحقق اولدیغندن مبلغ مدعا بهک مرقوم عبدالرزاقدن
حسب الکفاله تحصیلنه حکمدن واشبو حکم علمنده
مستدعی تمیز عبدالرزاقک لایحه سنه محرر باشلوجه
اعتراضی مبرز سنه مستدعی مبلغ مدعا بهک تحصیلنه
حکم اولمش ایسه ده سند مذکور زیرنده موضوع
مهرک عندالحاکمه وکیل مسخر جانبدن انکار ایدلمسنه
نظراً مهر مذکورک خط و خاتم قاعده سنه توفیقاً
تدقیق مقتضی اولدینی حالده بوبابده تدقیقات لازمه
اجرا قلنمقسزین مبلغ مذکورک بموجب سند تحصیلنه
قرار ویرلمسی مغایر قانون اولدیغندن بحتله اعلامک
نقضی استدعاسندن عبارت بولنمشدر.

ایجابی مذاکره اولندقدن اعلام مذکور مآلندن
اکلاشلدینی اوزره مرقوم عبدالرزاقک مومی الیه رشید
افندی به جهت کفالتدن معلوم المقدار مبلغ دینی
اولدیغنه دائر وقوعبولان شهادت اوزرینه مبلغ مذکورک
تحصیلنه حکم اولمش ایسه ده مبلغ مدعا به سنه مستند
اولسنه وزیرنده کی امضانك دخی انکار ایدلمسنه کوره
محکمه به اصول محاکمه حقوقیه نك تطبیق خط و خاتم
فصلنه توفیقاً فصل وحسمیله حاصل اوله جق نتیجه به
کوره حکم اولمق مقتضیات قانونیه دن ایکن محکمه به
بودائرة قانونیه ده ایفای معامله اولنمادی مغایر اصول
و قانون و مستدعینك لایحه سنه محرر باشلوجه اعتراضی
بوجهته متدائر اوله رق شایان قبول کورنمش اولدیغندن
اصول محاکمه حقوقیه قانوننك ایکی یوز اوتوزایکنجی
ماده سی موجبجه اعلام مذکورک قضیله قانون
مذکورک ایکی یوز قرق دردنجی ماده سی حکمنه
توفیقاً کیفیتک بروجه مشروح بالرؤیه اعلامه ربطی
ضمننده محکمه مذکوریه اعاده سنه ۲ اغستوس
سنه ۳۱۰ تاریخنده متفقاً قرار ویرلدی.

محكمة تميز استدعا دائره سندن تنظيم واعطا
قلنان اعلامدر :

کوی سنجاق بدایت محکمه سی مستطقی طرفدن
 ویریلان ۲۲ شباط سنه ۳۲۰ تاریخی قرارنامه نك
 نقضی نظارت جلیله نك ۲۲ شباط سنه ۳۲۲ تاریخی
 امرتحریری اوزرینه باش مدعی عمومیک مأموریت
 بهیسنك ۱۲ مارت سنه ۳۲۳ تاریخی تبلیغنامه سی ایله
 طلب واوراق دعوی محکمه تميز استدعا دائره سنه
 تودیع اولغله قرائت ومطالعه ایدلای .

اوراق مذکورده مفادینه نظراً قضاء مذکور
 نائی وبدایت محکمه سی رئیس سابقی محمد خلوصی
 افندی علیهنده اقامه اولنان شتم وتحقیردعوا -
 سنك محکمه مذکورده مستطقلکنجه تحقیقاته
 بالابتدار ۴ حزیران سنه ۳۱۸ تاریخده مشتی
 مرقومك افاده سی ضبط ایله تحقیقات مذکورده
 اودرجده برقیلهرق ۲۱ شباط سنه ۳۲۰ تاریخده
 هنوز آرده دن اوچ سنه مرور ایتماش اولدیغی
 حالده مرورزمان حصوله کلدیکندن بحثله حقوق
 عمومیه دعواسنك سقوطنه قرار ویرلدیکی اکلشلمش
 وقانوناً بدایت محاکمی رؤسا واعضاسنك ایفای
 مأموریت ایتدکلی زمانده علیهرینه اقامه اولنه جق
 بوتمللو دعاوینك مرجع رؤتی مافوق محکمه سی
 اولدیغی حالده بوجهت مهمه نظره آئیهرق قضاء
 مذکور مستطقلکنجه اجرای تحقیقاته ابتدار اولنسی
 خلاف صلاحیت اولدیغی کی هنوز مرورزمان وقوع
 بولمقسنزین اوپوله قرار اتخادی مغایر قانون بولنش
 اولغله قرار مذکورک اصول محاکمات جزائی قانوننك
 اوچیزور قرق بدیغی ماده سی حکمنه توفیقاً قضی
 طلب اولنقی اوزره اوراق دعوانك باش مدعی
 عمومیک مأموریت بهیسنه ارسال ومارالذکر
 تبلیغنامه ده دخی نظارت جلیله نك امرتحریری
 موجبجه قرار مذکورک قضی لزومی انبا اولمشدر .

ایحای لدی المذاکره بدایت محاکمی رؤسا
 واعضاسنك ایفای مأموریت ایتدکلی زمانده
 علیهرینه اقامه اولنه جق بوتمللو دعاوینك مرجع
 رؤتی قانوناً مافوق محکمه سنه عائد بولدیغی حالده
 قضاء مذکور مستطقلکنجه خلاف صلاحیت اولهرق
 اجرای تحقیقاته ابتدار اولنسی وبرده هنوز دعواده
 مرورزمان وقوع بولدیغی حالده مرور زمانه سقوط
 دعوايه قرار ویرلسی مغایر قانون اولدیغندن اصول
 محاکمات جزائی قانوننك اوچیزور قرق بدیغی
 ماده سی حکمنه توفیقاً قرار مذکورک بر موجب

تبلیغنامه قضنه ۲۵ حزیران سنه ۳۲۳ تاریخده
 متفقاً قرار ویرلدی .

طودوری بی قتل ایتدیگی ادعا اولنسندن دولای
 جنایتله اتهام اولنان یورینك اون بش سنه مدتله
 کورکه قولنسنه دائر کو ملجنه سنجایی بدایت
 محکمه سی جزا دائره سندن ایکنجی دفعه اولهرق
 ویریلان ۱۱۸ نومروی اعلام
 همت اوغلی مرزهی قتل ایتدیگی ادعا اولنسنندن
 دولای جنایتله اتهام اولنان ارسلانك اون بش سنه
 مدتله کورکه قولنسنه دائر سیواس ولایتی استیناف
 محکمه سی جزا دائره سندن ویریلان ۱۴۸ نومروی
 اعلام

حماره قریلی عبدالغنی قتل ایتدیگی ادعا
 اولنسنندن دولای جنایتله اتهام اولنان احمدك اون بش
 سنه مدتله کورکه قولنسنه دائر سوریه ولایتی استیناف
 محکمه سی جزا دائره سندن ویریلان ۳۲۱ نومروی
 اعلام
 طوش اوغلی مانوق قتل ایتدیگی ادعا اولنسنندن
 دولای جنایتله اتهام اولنان ملقونك اون بش سنه
 مدتله کورکه قولنسنه دائر خداوندکار ولایتی استیناف
 محکمه سی جزا دائره سندن ویریلان ۵۱۵ نومروی
 اعلام

مصطفائی قتل ایتدیگی ادعا اولنسنندن دولای
 جنایتله اتهام اولنان حسینك اون بش سنه مدتله
 کورکه قولنسنه دائر تکفورطانی سنجایی بدایت
 محکمه سی جزا دائره سندن ویریلان ۴۶۵ نومروی
 اعلام
 صادق اوغلی سلیمانی قتل ایتدکلی ادعا
 اولنسنندن دولای جنایتله اتهام اولنان شنه وسایطرك
 اون بشر واستوقو ودونیس وبوستول وکورونك
 بشر سنه مدتله کورکه قولنلرینه دائر قوصوه ولایتی
 استیناف محکمه سی جزا دائره سندن ویریلان ۱۸۰
 نومروی اعلام

حامد عوجهی قتل ایتدیگی ادعا اولنسنندن دولای
 جنایتله اتهام اولنان محمد حسینك اون بش سنه
 مدتله کورکه قولنسنه دائر ارکری سنجایی بدایت
 محکمه سی جزا دائره سندن ایکنجی دفعه اولهرق
 ویریلان ۳۶ نومروی اعلام
 خروده قریلی حسنی قتل ایتدکلی ادعا
 اولنسنندن دولای جنایتله اتهام اولنان چایینك اون بش
 سنه مدتله کورکه قولنسنه وعباسك وقوع وقاته مبنی
 حقوق عمومیه دعواسنك سقوطنه دائر رات سنجایی
 بدایت محکمه سی جزا دائره سندن ایکنجی دفعه
 اولهرق ویریلان ۱۵۴ نومروی اعلام

قونسول قریلی سلیه خاتونی قتل ایتدیگی ادعا
 اولنسنندن دولای جنایتله اتهام اولنان احمدك اون بش
 یاشی اکال ایتدیگی جهتله قرقچی ماده قانونیه
 حکمنجه ابوینه تسلیمه دائر یانیه ولایتی استیناف
 محکمه سی جزا دائره سندن ایکنجی دفعه اولهرق
 ویریلان ۱۳ نومروی اعلام
 شقیقان قریلی قوجه باش اوغلی محمدی قتل
 ایتدیگی ادعا اولنسنندن دولای جنایتله اتهام اولنان
 مصطفانك اون بش سنه مدتله کورکه قولنسنه دائر آبدین
 ولایتی استیناف محکمه سی جزا دائره سندن ویریلان
 ۲۱۹ نومروی اعلام محکمه تميز جزا دائره سنجه
 تصدیق قلمشدر .

۶۳۰ نومروی نسخه مندراج در سعادت
جنایت محکمه سی اعلامنك مابعدی :

قریس ولد آغوب وقعه نك ظاهره اخراجندن
 قریباً برسنه دن برودکانندن برراکیشر یوزوک وکوپه
 وبوتمللو اشیا ضایع اولقده و دیگر دکانلردن دخی
 آره صره بوکی ضایعات وقوع بولقده ایکن برکون
 دکانندن بر آلتون یوزوکله قبللی ایکی عدد لیرا
 چاریکی واتصالندکی آرداشك دکانندن دخی اوچ عدد
 یوزوک سرق ایدلمش اولنسندن طولای بلو کباشی حسین
 افندی به مراجعته بکجیلردن شهرلری اولدیغی اخبار
 ایتدکلی و فرداسی کونی وقعه ضابطه جه استخبار
 اولغله تحری اولنان بکجی سلیمانك صندوقدن ظهور
 ایدن برچوق اشای مسروقه میاندنه کندوسنك ده مذکور
 یوزوکله لیرا چاریکلرینك چیقدیغی اتیان ایتدی .

کروپه ولد آپیک کندوسنكده تخمیناً برسنه دنبری
 دکانندن اشیا ضایع اولقده ایکن برکون متهم بکجی
 سلیمانك صندوقك اجراقلنان تحریسنده بولنان اشای
 مسروقه ده اون طقوز عدد یوزوک وکوپه ومهر کبی
 شیار وبرابر برده بیاض عقیق طاشلی برالتون یوزوک
 ودکاتی آچار اناختار ظهور ایتدیگی درمیان ایتدی .
 آرداش ولد اوخالس کندوسنك برمدتدبری
 دکانندن آلتون یوزوک سرق اولنسی و دیگر اصنافدن
 دخی بوکی ضایعات تکرر ایتسی اوزرینه بلو کباشی
 حسین افندی به مراجعته شکایت ایتدکلی وبالاخره
 مأمورین ضابطه جه متهم سلیمانك صندوق تحری
 اولنقده ظهور ایدن اشای مسروقه میاندنه بری
 آلتونن دیگر کی کوشدن معمول ایکی عدد یوزوک
 ظهور ایتدیگی یاد ایتدی .

آغوب ولدقصار تخمیناً بریحقی ماه مقدم دکانندن
 سرق ایدلمش اولان آلتون وکوشدن معمول بدی
 عدد یوزوکدن التیسی مرقوم سلیمانك صندوقدن ظهور

ایدن اموال مسروقه میاندنه بولدیغی واشیای مذکورده
 ایله برلکده ظهور ایدن برچوق آناختارلرک بریسی
 کندی دکاتی آچوب قبادیغنك بالمعاینه اکلشلا دیغی
 ایراد ایلدی .
 آغوب ولد قره بت مقدما دکانندن التی پارچه قیل
 دیشندن معمول براستون ایله بش عدد قریستوفل چتال
 قاشیق وبریحاق وبوزاللی ایکی یوز غروش قدر متالك
 اقیه وبر آلتون یوزوک سرق اولنش ایکن برکون
 اولنجه دن چاغریلهرق ضایعات صورلدقده اشیا
 مذکورده نك برربر اوصاف واشکالی بیان ایتدیکنده
 یالکیز باستونله چتال قاشیق وبیچانك بکجی سلیمانك
 صندوقده ظهور ایدن اشیا آره سنده موجود بولدیغی
 سوبلدکلی افاده ایلدی .

اونیک ولد روین تخمیناً برسنه دنبری دکانندن
 سرق اولنه کلکده اولان درد بش عدد یوزوکلی
 کلوب کچن مشتریلردن شبه ایتکده ایکن برکون
 بکجی سلیمانك صندوقدن اشیا مسروقه ظهور
 ایتدیگی استخبار ایتسی اوزرینه کندوسیده لونجه
 اوطه سنه کیتدیکنده اشیا مذکورده دن التی عیار
 آلتونن معمول عقیق طاشلی برعدد یوزوکلی بولدیغی
 حکایه ایلدی .
 زاره ولد اورتس بکجی سلیمانك صندوقك
 تحریسنده اشیا مسروقه ظهور ایتش اولنسنندن
 طولای کندوسنی دخی لونجه اوطه سنه چاغریله
 کیتدیکنده برعدد کوش قوپه سی او میاندنه کوردیکی
 سوبلدی .

هاجی کرقرور ولد قره بت کندوسنك ده اوتهدنبرو
 دکانندن اشیا سرق اولنقده ایکن برکون مرقوم
 سلیمانك صندوقدن اشیا مسروقه ظهور ایتدیکندن
 بحثله لونجه اوطه سندن چاغریسی اوزرینه کیتدیکنده
 کلیسارده مستعمل بخوردان ایچون یاشمش اولدیغی
 معدن زبلرله آرمود شکلده برکوش مسك یاغی
 قوطیسی اوراده کوردیکی بیان ایتدی .

هاجی اونیک ولد قره بت دکانندن قریباً بر
 سنه دنبرو کوش چتال قاشیق وبیچاق وظرف وقوپه
 مثللو اشیا سرق اولنه کلکله برابر برکون ضبطیه
 نظارتی کتبه سندن برذات طرفندن کتوریلوب امانه
 دکاننه برافیلان بوغچه دروننده صیرمه ایشلمه لی
 پیشکیرلری موسی الیهک کلوب آلدیغک فرداسی کونی
 مذکور پیشکیرلردن اوچ عددینك نقصان اولدیغی
 بیان ایتسی معقب بکجیلردن متهم سلیمانك صندوقدن
 مسروق اشیا ظهور ایتدیگی ایشتمکله لونجه اوطه سنه
 کیتدیکنده عقیق طاشلی برعدد التون یوزوک وبش
 التی قنجان و اوچ چفت کوش چتال قاشیق وبیچاق
 وایکی عدد آقایی کوش قوپه ایله کندوسنه امانه تودیع

محمدك قهوه خانه سندن قومار اویناتدیغی ثابت
 اوله مدیغندن برائته
 ادریسك پولیس توفیق افندی جرح ایلدیگی
 واوزرنده سلاح طاشیدینی ثابت اوله مدیغندن برائته
 یورکینك تشهر سلاحه مجاریس آکلشله مدیغندن
 برائته

یانی ایله وانکلک نسیمی ضرب ایلدکلی ثابت
 اوله مدیغندن برائتله
 یکدیگری ضرب ایتدکلی ادعا قلنان کلثوم
 وحیفه خاتملردن خیفه نك قتل ضربه جرأتی ثابت

اولنان مذکور پیشکیرلردن ضایع اولان اوچ دانه سنك
 اموال مسروقه میاندنه بولدیغی درمیان ایتدی .
 مانوق ولد نظرت قریباً التی بدی ماه متادیا دکاننده کی
 چکجه سنك کوزنده برافقده اولدیغی آلتون پارچه لرلی
 صاحبین دکانه عودتنده بوله مامقده ایدوکی کی برکون
 یایلق اوزره بریسی طرفندن کتوریلان بری کوش
 دیگر کی آلتون ایکی عدد یوزوک دخی محل مذکورده
 قوپه رق بر ایکی کون صکره سرق ایدلمش اولدیغی
 اکلادیغی وبوخالک تکررندن ناشی دکاننه فضله کلید
 طاقعه مجبور اولدیغی ونه یات بکجی سلیمانك صندوقدن
 اشیا مسروقه ظهور ایتدیگی استخبار ایتسی
 اوزرینه لونجه اوطه سنه کیتدیکنده مذکور ایکی یوزوکدن
 یالکیز کوشدن معمول اولانی بوله ییلدیگی اتیان
 ایلدی .
 امین افندی برسنه دنبرو دکانندن سرق اولنان
 اشیا نك قیعی سکسان لیرایه بالغ اولدیغی وقیو بکجیلردن
 ایقاع ایدیلان سرقدن طولای بکجیلردن متهم سلیمانك
 صندوق تحری اولنهرق ظهور ایدن اشیا مسروقه
 میاندنه بولنان طقوز پارچه ایشلمه لی حولی وبیشکیرک
 اوزرلرنده کی تمغان کندوسنه عائد اولدیغی مأمورین
 ضابطه جه اکلشله رق کندوسنه معلومات ویرلدیکی
 افاده ایلدی .
 میقاتل ولد یواکیم دخی دکانندن آره صره بعض
 اشیا سرق اولدیغی کی دکاننده بولنان برکوش
 افیه طبقه سنك دخی سرق اولنقده دن بش التی کون
 صکره مذکور طبقه ی بردلالک التده کورمکله مزاده
 قویمش اولدیغی اکلادیغی بدستانی علی افندی به یبعده
 قره غولخانه به کیفیت اکلادیغی وایکی کون صکره ده
 طبقه ی صامش اولان آدمی دخی بولوب کتوردکلی
 حکایه ایتدی .
 مشکیرک افادانه قارشو نه دیه جکی متهم سلیمانك
 صورلدقده برشیدن خبری اولدیغی سرد ایتدی .
 (مابعدی کله چک نسخه یه)

محمد رمزنیک حسن افندی ایله طروسی
 طولاندریغی تحق ایدم یوب کراغوس ایله بایکی
 طولاندریغی ثابت اولدیغندن درد ماه حبسنه و بر
 التون جزای تقدی اخذینه
 ابراهیمک عایشیه تشهر سلاح ایتدیگی ثابت
 اوله میوب ضرب ایتدیگی تین ایتدیکندن اون کون
 حبسنه
 ابراهیمک خلاف ممنوعیت اولهرق اوزرنده بیچاق
 طاشیدینی ثابت اولدیغندن مرقومدن بش بشلک جزای
 تقدی اخذینه

اولدیغندن کندوسندن اوچ آلتون آلهرق مضروب به
 اعطاسنه
 آرسنك فروسینی ضرب ایتدیگی ثابت اولدیغندن
 برهفته مدتله حبسنه
 قاتینه نك یورکی ضرب ایتدیگی ثابت اولدیغندن
 بر آلتون آلهرق مضروب اعطاسنه
 قسطنینك آپوستولی جرح ایلدیگی ثابت اولدیغندن
 اون کون مدتله حبسنه
 بغوصه ناموسه طوقور سوز سوبلدیکی تین
 ایدن نیقولا کیدن بر آلتون جزای تقدی آلمسنه
 نقاش مصطفای ضرب ایلدیگی تین ایدن قهوه جی
 محمد دن ایکی آلتون اخذیه مضروب اعطاسنه
 عثمانی ضرب وجرح ایدن عمرک بر ماه مدت
 حبسیله برابر کندوسندن ایکی آلتون آلتوب عثمانه
 اعطاسنه
 ویده نك جاملرینی قیردیغی تین ایدن صلاموندن
 اون بش بشلک جزای تقدی اخذینه
 خرملوبوه اطاله لسانده بولنان غازجی یواندن
 بر آلتون جزای تقدی آلمسنه
 یورکی ضرب وجرح ایلدیگی تین ایدن جوانینك
 ایکی ماه مدتله حبسنه
 سحاقک رجی ضرب ایتدیگی ثابت اولدیغندن
 برهفته حبسنه
 باعنه خاتمک حفیظه خانم محل ناموس سوز
 سوبلدیکی ثابت اولدیغندن بر التون جزای تقدی
 اخذینه
 ابراهیمک ماتیونی جرح ایتدیگی ثابت اولدیغندن
 برالتون التوب مجروحه ویرلسنه
 میچونك خلاف ممنوعیت اولهرق اوزرنده سلاح
 طاشیدینی ثابت اولدیغندن مرقومدن ایکی بشلک
 جزای تقدی اخذینه
 یورکینك لوتاریه بیلق ایتدیگی ثابت اولدیغندن
 بش بشلک جزای تقدی اخذینه
 لئونک آمیرایله مضارب ایتدکلی ثابت اولدیغندن
 هر ایکسنک برر هفته حبسنه
 محمد رمزنیک حسن افندی ایله طروسی
 طولاندریغی تحق ایدم یوب کراغوس ایله بایکی
 طولاندریغی ثابت اولدیغندن درد ماه حبسنه و بر
 التون جزای تقدی اخذینه
 ابراهیمک عایشیه تشهر سلاح ایتدیگی ثابت
 اوله میوب ضرب ایتدیگی تین ایتدیکندن اون کون
 حبسنه
 ابراهیمک خلاف ممنوعیت اولهرق اوزرنده بیچاق
 طاشیدینی ثابت اولدیغندن مرقومدن بش بشلک جزای
 تقدی اخذینه

میخالک خرسٹوی جرح ایتدیکی ثابت اولدیغندن
برهفته حبسه

نیقولینک زوجه سی اناستاشیانی ضرب ایتدیکی
ثابت اولدیغندن ایک آلتون آنه رق مزبوریه اعطاسنه
کریمک رفقی جرح ایتدیکی ثابت اولدیغندن
اون بش کون حبسه

خلاف نظام سلاح طاشیدقلمری ادعاسیله مظنون
خداویردی و عبدالمطلبک حرکتلری ثابت اولدیغندن
بشر بشلک جزای نقدی آلتونسنه بک اوغلی بدایت
محکمه سی جزا دائره سنجه قرار ویرلمشدر .

مُحَامَلَاتُ اَنْدَبَاهِيَّة

بور قضای بدایت محکمه سی اعضاسندن مستنطق
توفیق و مستنطق معاونی راشد افندیلرک مواد معینه ده
خلاف اصول وقانون معاملات و حرکات ایله وظیفه
مأموریتلری سوء استعمال ایلدکلری آنقره وقونیه
ولایتلری عدلیه مفتشلکندن وارد اولان اوراق
تحقیقه محتویاتندن مستبان اولسنه مبنی محاکمه آلتنه
آلتلرینه عدلیه نظارت جلیله سنجه مآذونیت ویریلهرک
مذکور مدعی عمومیلکه تبلیغات مقتضیه اجرا
قلنمشدر .

نیکسار قضای بدایت محکمه سی مدعی عمومی
معاونی وکیلی ، قومیسر محمدافندیلک محکمه مذکوره
مستنطق ایله معاونی ایفای وظیفه ائناسنده تحقیر
ایلدیکی و خلاف قانون توقیف و تخلیه اشخاصه
متجاسر اولدینی سیواس ولایتی استیناف محکمه سی
مدعی عمومیلکندن وارد اولان اوراق تحقیقه
محتویاتندن مستبان اولسنه مبنی محاکمه آلتنه آلتنه
عدلیه نظارت جلیله سنجه مآذونیت ویریلهرک مذکور
مدعی عمومیلکه تبلیغات لازمه ایفا ایدلمشدر .

اِغْلَانَات

انجمن اداره عدلیه

عدلیه نظارت جلیله سی داخلی و مباشر خدمه سیله
اوطه جیلری ایچون محفوظ نمونه و شرائط معلومه
وجهله اعمال ایتدیر یله جک ایک یوز طقسان یدی
طاقم البسه نک مناقصه سنه بالابتدار سنه حالیه
کانون اولنک اون طقوزنجی چهارشنبه کونی قرار
موقتی ویکرمی التجی چهارشنبه کونی یوزده اوچ
تزیلات قبولیه قرار قطیسی اعطا قلنه جغندن
هلبوسات مذکوره یی اعماله طالب اولان و شرائطی

اکلامق ایستیلرک جمعه وپازاردن ماعدا هرکون
ساعت التیدن اونه قدر محاسبه ویا انجمن اداره عدلیه
مراجعت ایللری اعلان اولنور .

قلعه سلطانیه بدایت محکمه سی جزا دائره سنه :

قلعه سلطانیه تابع قره جه ویران قریه سندن
چاقرمصطفی اوغلی رجی جرح و قتل ایلدیکی ادعاسیله
متم اولان قلعه سلطانیه قصبه سندن صالح افندی
چفتلکی قوریجیسی پرزرین سنجاغنه تابع پلاوه
قریه سندن اورته بویلی ، ایجه قره بیقلی ، بغدادی بکزی ،
اورته آغز و برونلی ، قره کوزلی یکریمی ایکی یاشلرنده
نوری بن مسلم حقنده اصول محاکمات جزائیله قانوننک
اوچوز یتیش برنجی ماده سی موجبجه معامله مقتضیه
قانونیه ایفا و محاکمه غایبه علیه سی بالاجرا مرقوم
نوری بن مسلمک حرکتی ثابت اوله رق جزا
قانوننامه هایوننک یوز یتیش دردنجی ماده سنه
توفیقاً اون بش سنه مدته کورکه قونلسنه و اوتوز
برنجی ماده قانونیه و قرار نامه موجبجه حقوق
مدنیه دن بالاسقاط محجوز اموالنک اداره ایتدیرلمسنه
قلعه سلطانیه بدایت محکمه سی جزا دائره سندن حکم
اولنش و اصول محاکمات جزائیله قانوننک اوچوز یتیش
یدنجی و اوچوز یتیش سکرنجی و اوچوز سکسان
برنجی ماده لر ی ایله مواد سائره سی احکامنه توفیق
معامله اولنمی مرجعه بیلدیرلمش اولغله مذکور
اوچوز یتیش سکرنجی ماده سنک جمله احکامندن
اولدینی وجهله اعلان کیفیته ابتدار قلندی .

قلعه سلطانیه تابع ارن قریه سندن عسکلاری
اوغلی خره لامی ترلاسنده جرح ایدرک طاغه قالدیروب
اوتوز لیرا آلهرق صالیوردکلری ادعاسیله متم
واولجه ینه بوقیل افعال شقاوتکارانه لردن طولانی
غیاباً اون بشر سنه کورک جزاسیله محکوم بولنانلردن
فراری یورکی نام دیگر پنا یوط ایله نیقوله حق لرنده
اصول محاکمات جزائیله قانوننک اوچوز یتیش برنجی
ماده سی موجبجه معامله لازمه ایفا و محاکمه غایبه سی
بالاجرا نتیجه سنده مرقومانک حرکتی ثابت اوله رق
جزا قانوننامه هایوننک التیش ایکنجی ماده سنک
علاوه سنه توفیقاً اعداملرینه و اوتوز برنجی ماده
قانونیه و قرار نامه موجبجه حقوق مدنیه دن بالاسقاط
اموال و املاکلرینک حجزینه قلعه سلطانیه بدایت
محکمه سی جزا دائره سندن حکم اولنش و اصول
محاکمات جزائیله قانوننک اوچوز یتیش یدنجی
و اوچوز یتیش سکرنجی ماده لر یله مواد سائره سی
احکامنه توفیق معامله اولنمی مرجعه بیلدیرلمش
اولغله مذکور اوچوز یتیش سکرنجی ماده سنک

جمله احکامندن اولدینی وجهله اعلان کیفیته ابتدار
قلندی .

نجات مریه محکمه سنه

درعلیه ده کراسته جیلرده ۸ نومرولی دکانده مقیم
و کراسته تجارتیه مشغول یواناکی میخائیلیدیس
و شرکاسنک ۱۷ تشرین ثانی سنه ۳۲۳ تاریخندن
اعتباراً اعلان افلاسنه و مصالح افلاسیه نک رؤیت
و تسویه سی ضمننده اعضای محکمه دن سعادتلو ابراهیم
بکک ژوز قومیسر و دعوی وکیللردن رسائی بک ایله
کل اوغلی آورام و یورداناکی خرملیدیدی افندیلرک
موقت سنديک تعینلرینه و مغازه سیله اشیای زانده
یتیه سنک تمهیرینه و اوراق و دفاترینک جنبه و کفالت
مصدقه ارانه ایده مدیکی تقدیرده حبس و توقیفه
و یوبابده کی قرارک موقتاً اجراسنه تجارت بحریه
محکمه سنجه قرار ویرلمش اولدیغندن قانوننامه تجارتک
۱۷۰ نجی ماده سی موجبجه دائمی سنديکبر انتخاب
اولنق اوزره اشبو ۳۲۳ سنه سی کانون اولنک برنجی
جمعه ایرتسی کونی ساعت یدی راده لرنده اصحاب
مطلوبک محکمه مذکوره نک مصالح افلاسیه رؤیتیه
مخصوص اوطه سنه کللری اعلان اولنور .

استانبولده محمود پاشا جوارنده دیرانیان خانی
آلتنده کی مغازه ده ساکن ایکن تجارت بحریه
محکمه سندن افلاسنه حکم اولنش اولان شوپیلا
برادرلر شرکتک خصوصات افلاسیه سنک رؤیت
و تسویه سی ضمننده دعوی وکیللردن عثمان طلعت
بک ایله سلیم حسنی و موریس دار افندیلر اصالة سنديک
تعین قلنمش اولدقلرندن مفلس مرقوم ذمتده
آله جنی اولانلرک قانوننامه تجارتک ۱۹۹ و ۲۰۰ نجی
ماده لر ی موجبجه تحقیق دیون ایچون تاریخ اعلاندن
اعتباراً یکریمی برکون ظرفنده سنداتی محکمه کاتبه
تسلیم ایللری ومدت مذکوره ختامندن صوکره
اوچ کونده یعنی ۳۲۳ سنه سی کانون اولنک یکریمی
طقوزنجی جمعه ایرتسی اوتوز برنجی بازار ایرتسی
و کانون ثانیلک بشنجی جمعه ایرتسی کونلری تجارت
بحریه محکمه سنک مصالح افلاسیه رؤیتیه مخصوص
اوطه سنه کلهرک سنديک افندیلر مواجهه سنده
آله جقلرینی اثبات وقید و تصدیق ایتدیرملری ومدت
مذکوره ده اثبات وجود ایده میان آله جقلولر حقنده
قانون مذکورک ۲۱۰ نجی ماده سنه توفیقاً ایفای معامله
اولنجنی اعلان اولنور .